



বাংলাদেশ বিমান বাহিনী ১২৫ জন সদস্য মধ্য আফ্রিকায় জাতিসংঘ শান্তিরক্ষী মিশনের উদ্দেশ্যে ঢাকা ত্যাগের প্রাক্কালে বিমানে আরোহণ করছে। ছবিঃ আইএসপিআর

মধ্য আফ্রিকান রিপাবলিকে বাংলাদেশ বিমান বাহিনীর শান্তিরক্ষা কন্টিনজেন্ট প্রেরণ

ঢাকা, মে ২৯ ঃ- বাংলাদেশ বিমান বাহিনী মধ্য আফ্রিকা রিপাবলিকে জাতিসংঘ শান্তিরক্ষা মিশনে প্রথমবারের মত নাইটভিশন প্রযুক্তি সমৃদ্ধ ০৩ টি আর্মড ভার্সন এম আই-১৭১ হেলিকপ্টারসহ কন্টিনজেন্ট প্রেরণ করছে। বাংলাদেশ বিমান বাহিনীর সর্বমোট ১২৫ জন সদস্য মধ্য আফ্রিকায় মোতায়েন করা হল। উল্লেখ্য যে, জাতিসংঘে স্থায়ী মিশন নিউইয়র্কের সহযোগিতায় এই প্রথমবারের মত বাংলাদেশ বিমানের একটি ভাড়া করা বিমানে শুক্রবার ২৯ মে ২০২০ বাংলাদেশী শান্তিরক্ষীরা জাতিসংঘ শান্তিরক্ষী মিশনে উদ্দেশ্যে ঢাকা ত্যাগ করেছেন।

বাংলাদেশ বিমান বাহিনীর এই কন্টিনজেন্ট বাংলাদেশ মিডিয়াম আর্মড মিলিটারী হেলিকপ্টার ইউনিটের নেতৃত্বে থাকবেন গ্রুপ ক্যাপ্টেন মোঃ আসাদুল করিম, এএফডব্লিউসি, এসিএসসি, পিএসসি। উল্লেখ্য, বিবাদমান সংঘাত নিরসনে বাংলাদেশ বিমান বাহিনীর সদস্যরা অত্যন্ত দক্ষতা, পেশাদারিত্ব এবং আন্তরিকতার সাথে দায়িত্ব পালন করছেন। তাদের অর্জিত এ সুনাম ও সাফল্য অক্ষুণ্ন রেখে শান্তিরক্ষীরা ভবিষ্যৎ দিনগুলোতে যেন আরো উৎকর্ষতা অর্জন করতে পারে, এ কামনা করে হযরত শাহজালাল আন্তর্জাতিক বিমান বন্দরে এক মোনাজাত অনুষ্ঠানের আয়োজন করা হয়। বিমান বাহিনীর উর্ধ্বতন কর্মকর্তাগণ বিমান বন্দরে উপস্থিত থেকে তাদেরকে বিদায় জানান। উল্লেখ্য গত ২৮ মে ২০২০ তারিখে বিমান বাহিনী প্রধান এয়ার চীফ মার্শাল মাসিহুজ্জামান সেরনিয়াবাত, বিবিপি, ওএসপি, এনডিইউ, পিএসসি মধ্য আফ্রিকান রিপাবলিকগামী বিমান বাহিনী কন্টিনজেন্ট সদস্যদের উদ্দেশ্যে ঘাঁটি বাশার-এ ব্রিফিং প্রদান করেন এবং মিশনের সাফল্য কামনায় বিশেষ মোনাজাতে অংশগ্রহণ করেন। এসময় তিনি জাতিসংঘ শান্তিরক্ষা মিশনে তাদেরকে সততা, পেশাদারিত্ব ও আন্তরিকতার সাথে অর্পিত দায়িত্ব পালন করে বাংলাদেশ বিমান বাহিনী তথা দেশের জন্য সুনাম বয়ে আনার আহবান জানান।